

**BORRADOR DA ACTA DA SESIÓN EXTRAORDINARIA DA XUNTA DE GOBERNO LOCAL CELEBRADA O DÍA 09 DE SETEMBRO DE 2011.**

Na Casa do Concello de Silleda, sendo as **DOCE HORAS E QUINCE MINUTOS** do día **NOVE DE SETEMBRO DE DOUS MIL ONCE**, baixo a Presidencia da Sra. Alcaldesa **D<sup>a</sup>. PAULA FERNANDEZ PENA**, réunese a Xunta de Goberno Local, en sesión extraordinaria, de primeira convocatoria, coa asistencia do tenente de Alcalde **D<sup>o</sup> MATÍAS RODRÍGUEZ DA TORRE** e o concelleiro **D<sup>o</sup> ANTONIO COUSO ÁLVAREZ** a Interventora Municipal **DONA ISABEL PERNAS SANCHEZ** e da Secretaria da Corporación **DONA PAULA MARIA SUAREZ COTELO**.

Non asiste: **D<sup>o</sup> MANUEL CUIÑA FERNANDEZ**  
**D<sup>a</sup> MARGARITA CAMPOS ESPÍÑO**

A Sra. Alcaldesa declara aberta a sesión que se desenvolve conforme á Orde do Día seguinte:

**ÚNICO.- CONTRATACIÓN.-**

**ÚNICO.- CONTRATACIÓN.**

**1.1.- Contratación do servizo “Programa Cascarón”**

Visto que pola Alcaldía detectouse a necesidade de realizar a contratación do servizo do denominado "PROGRAMA CASCARÓN".

Visto que por acordo da Xunta de Goberno Local de 14 de xullo de 2011 aprobouse iniciar o expediente para a contratación referenciada motivando a necesidade e idoneidade da contratación proposta.

Visto que con data 21 de xullo, redactouse e incorporouse ao expediente o Prego de Cláusulas Administrativas Particulares que han de rexer a adxudicación do contrato.

Visto que con data 21 de xullo, realizouse pola Interventora a retención de crédito oportuna e coa mesma data emitíronse Informe de fiscalización do expediente e informe de Secretaría.

Visto que con data 21 de xullo de 2011 aprobouse o expediente e os pregos de cláusulas administrativas e técnicas e ordeouse a súa publicación no perfil do contratante.

Visto que con data 29 de agosto constitúese a Mesa de Contratación para a a pertura do sobre A que contén a documentación administrativa e se solicitou ás empresas Acode e Antaxurada, S.L. a subsanación da documentación.

Visto que con data 2 de setembro réunese de novo a Mesa co obxecto de proceder á apertura do sobre B relativo aos criterios subxectivos. Polos membros da Mesa tómase coñecemento da documentación aportada polos licitadores e entrégaselle á Psicopedagoga do concello para que realice informe sobre os mesmos.

Con data de 6 de setembro réunese a Mesa co obxecto de tomar conta do informe da Psicopedagoga do concello e proceder á apertura do sobre C. Polos membros da Mesa obsérvase que o informe da mesma non fai referencia aos curriculums dos técnicos polo que se suspende a apertura do sobre C en tanto non se incorporen os informes que conteñan a valoración do criterio dos curriculums.

Con data 7 de setembro e visto o novo informe da psicopedagoga, procédese a apertura do sobre C. Vista dificultade de valorar o criterio 12.2 do prego de prescricións técnicas dado que a maioría dos certificados que aportan os licitadores non inclúen as datas dos servizos, solicítase ás empresas para que aclaren o número de días de prestación dos servizos aos que fan referencia os certificados.

Recibidas as aclaracións por parte das seguintes empresas: Acode e Coesco, procédese a completar a valoración das ofertas, quedando a seguinte valoración:

PUNTUACIÓN	ACODE	COESCO, S.L.	ANTAXURADA, S.L.
Prezo do contrato	3	2,99	2,92
Experiencia previa	2	2	0,09
Disposición maior nº de monitores	0	0,75	0
Programa educativo	3,5	3	2,5
Curriculums dos técnicos	2	2,5	2
<b>TOTAL</b>	<b>10,50</b>	<b>11,24</b>	<b>7,51</b>

Tendo en conta o anterior a Mesa de Contratación propuxo ao órgano de contratación como mellor oferta a presentada pola empresa Coesco, S.L.

Vista a anterior proposta a Xunta de Goberno Local de 8 de setembro, clasificou como mellor oferta a da empresa Coesco, S.L. e requeriulle para que presentase a documentación xustificativa de atoparse ao corrente no cumprimento das súas obrigacións tributarias e coa Seguridade Social, e para que constituíse a garantía definitiva procedente.

Visto que pola empresa aportouse o solicitado e constituíuse a garantía, con data 9 de setembro.

A Xunta de Goberno Local, por unanimidade, acorda:

- PRIMEIRO.** Adxudicar á empresa Coesco, S.L. o contrato de servizos do Programa Cascarón, por procedemento negociado con publicidade, aprobado por acordo da Xunta de Goberno Local de 21 de xullo e publicado no perfil do contratante de data 29 de xullo de 2011.
- SEGUNDO.** Dispoñer o gasto con cargo á partida 324.227.99 do orzamento vixente de gastos, por importe de 78.000,00 €.
- TERCEIRO.** Publicar a adjudicación no perfil do contratante e notificala aos candidatos que non resultaron adxudicatarios .
- CUARTO.** Notificar á empresa Coesco, S.L., adxudicataria do contrato, esta resolución e citalo para a sinatura do contrato.
- QUINTO.** Publicar a formalización do contrato de servizos no perfil do contratante.
- SEXTO.** Comunicar os datos básicos do contrato ao Rexistro de Contratos do Sector Público, de conformidade co disposto no artigo 308.3 da Lei 30/2007, do 30 de outubro, de contratos do sector público.

---

E non habendo máis asuntos que tratar, pola Sra. Presidenta levántase a sesión as catorce horas e vinte e cinco minutos, extendéndose a presente acta, do que como Secretaria, dou fe.

A ALCALDESA,



A SECRETARIA,

